

mitt guttem willen wissen unde vorrathe unser unde des vatters custodis der custodien
 czu Meyssen, Thome Grymmers^f) obgenant, und globen — vor uns unde alle noch-
 komen alle tage tegelich noch der hoemesse czu singen die antiphona: Nigra sum sed
 formosa mit clarer stymme alz mit eynem versiculo unde eyner collecta unde denn dor-
 5 noch an seynen lebentagen vor en unde die seynen an dem leben czu bestellen unde czu
 singen zcu selickeit der lebenden eyne messe, nemlich Salus populi, uff den dornstag
 noch dem sontage letare in der vasten. Unde wenn der obgnante er Ditterich von todis
 wegin abegehit, das got lange wende, so sal von uns sollich Salus populi gewandelt
 werden yn seyn unde seyner obgnanten eldern bruder swester frunde unde noch-
 10 komende ewigk gedechniße unde jariszeit, alzo das wir unde alle unßer nochkomende
 ym unde alle seynen nochkomen vorfarn eldern unde frunde, die vorscheiden synt,
 jerlich mit vigilien unde mit selemessen uff den tag, als her von todis wegin abegegangen
 ist, noch gewonheit unßers closters begehnen sollen, unde den sontag czuvor vor dem be-
 gengkniße dem volke uff dem predigestule fleissig vorkundigen zcu bitten vor die lieben
 15 zelen, die auß dem geslechte vorscheiden synt. 'Wurden nw wir obgemelten bruder ader
 unßer nochkomen yn der zachen ichts sumig ader vorlassen, so mogen unde sollen seyne
 bruder unde frunde ader wer dissen brieff yn czukunfftigen czeyten ynne haben wirt,
 allezeit cyn offsehen haben, das cyn sulch selgerethe ewig gehalten werde, unde das
 vorgnante schog alzo lange bey den zcinsmanne mit gerichte bekommen unde ynne be-
 20 halten, bis das wir die obin geschrebin stücke wedder so volkomelichen halten, alzo
 disser briff ausweißet. *Im Falle des Wiederkaufs des Schockes Zinsen verpflichten sie
 sich für die Hauptsumme andere Zinsen zu kaufen* mit wissen unde rote des obgnanten
 er Ditterichs frunden und des, der dißen brieff wirt ynne haben, so das das erliche testa-
 ment bestendigk bleybe unde das closter sulcher zcinse nicht beroubet werde. Czu or-
 25 kunde unde warem bekentniße sollich testament ewiglich zcu halten unde von uns un-
 vorsumet^g) bleybe, so habe ich Thomas Grymmer custos, Andreas Philippi gardian unde
 die gantze sampnunge unßer ingesegil an deßen brieff lassen hengen, der gegeben ist
 — virczen hundert dornoch yn dem vir unde sechtzigisten jare am sontage noch
 octavas corporis Cristi.

30

588.

Torgau, 1465 Mai 15.

Gebr.: (Klotzsch und Grundig) *Sammlung verm. Nachr.* 1,217 (A). *Wilsch Kirchen-Historie der Stadt Freyberg*
Cod. dipl. 53 (B).

35

Anm.: Das Original, das nach Müller *Theatr. Freib. Chron.* 2,108 „unter den alten geistlichen Kastenschriften“ vor-
 handen war, hat sich nicht auffinden lassen. — Ueber die Visitation des Franciscanerklosters und den Streit mit der
 Pfarrgeistlichkeit 1464 und 1465 vergl. No. 521—523.

*Kurfürst Ernst und Herzog Albrecht ersuchen alle geistlichen und weltlichen Kur-
 fürsten, Fürsten, Aebte, Prüläten, Grafen, Herren, Freie, Ritter^a) und Knechte, Vögte,*

587. f) Thomas Grumeners B. g) unvorsumet A.

40

588. a) Freyhern rittern A. freyen rittern B.